

**Uunga siunnersuut: Tuniniaanissamik nittarsaassisarneq aamma  
nalunaaqutsersuisarneq pillugu Inatsisartut Inatsisaata allanngortinnissaa pillugu  
Inatsisartut inatsisaat nr. xx, xx. xxx 2020-meersoq**  
(Inuussutissarsiornermut Aatsitassanullu Naalakkersuisoq)

**Saqqummiussissut**

(Inuussutissarsiornermut Aatsitassanullu Naalakkersuisoq)

**Siullermeerera**

Matumuuna uunga siunnersuut: Tuniniaanissamik nittarsaassisarneq aamma nalunaaqutsersuisarneq pillugu Inatsisartut Inatsisaata allanngortinnissaa pillugu Inatsisartut inatsisaat, Naalakkersuisut sinnerlugit saqqummiutissavara.

Tuniniaanissamik nittarsaassisarnermut digitalikkut ingerlanneqarnerulersumut atatillugu, aammalu kiffartuussissutinik tunisassianillu pisiaqartarnerit imminut pisariaqartinnerisigut akit ilisimatitsissutaasut tamakku paasiuminaannerulersimanerinek atuisartut misigisaqarsinnaapput.

Taamaattumik nioqqutinut kiffartuussissutinullu akinik aalajangersimasunik inuussutissarsiutinik ingerlatsisut ilaatigut ilisimatitsisarnissaannik siunnersuut pisussaaffiliivoq. Aammattaaq inuussutissarsiummik ingerlataqartoq qinnuigineqarnermigut kiffartuussissut aalajangersimasumik akeqartuunngitsup qanoq naatsorsorneqartarnera ilisimatitsissutigissavaa, imaluunniit akigisaanik nalunaaruteqarluni, imaluunniit akigisassamut missiliuusiussalluni.

Ilassutitut akitsuutinut taakkununga atuisartut akilertariaqagaannut siunnersuut annertunerusumik paasinnissinnaatitsinermik pilersitsivoq. Akitsuutaareersut allanngortinnissaannut, aammalu isumaqatigiissutitigut pissutsini atorneqartuartuni akitsuutinik nutaanik eqqussaqarsinnaanerit pillugit siunnersuutikkut malittarisassiat ilanngussorneqarput.

Aammattaaq Naalakkersuisut ilitsersuutinut pisussaaffeqartitsissutaannut Atuisartoqarnermut Unammilleqatigiinnermullu Aqutsisoqarfiup nakkutilliinera malittarinnessanngitsoq

siunnersuutip nassataraa. Taamaalilluni Atuisartoqarnermut Unammilleqatigiinnermullu Aqutsisoqarfiup nakkutilliinera kiffaanngissuseqarluni nakkutilliisinnaalissaaq.

Kiisalu pineqaatissiisarnermik aalajangersakkamik kingunerititassanik allannguutitik arlalinnik siunnersuut imaqarpoq. Allannguutit taakku inatsisaasut sinnerinik, aammalu oqaaseqaataasut sinnerinik naapertuuttoqanngiffiit iluarsivigaat.

Taamatut oqaaseqarnikkut siunnersuut Inatsisartut akuersaartumik suliarinissaanut ingerlateqqippara.